



et haest. 421  
705  
13  
EPISTHED  
GRV. HED.

✻ ✻ ✻ ✻


VIRIS Pl. Reverendis, Clarissimis, Reverendis, Venerabilibus  
& Humanissimis, Sacro Ministerio, suis donis gradibusque in  
inclita hac Dioecesi Aboensi, dextre fungentibus,  
Pacem & salutem sempiternam!

 Istitur hic vobis, Fratres in CHRISTO conjunctissimi,  
Disputationum Synodaliū per XLV. annos, apud nos  
habitarum, coronis elegantissima; nullius extra se in-  
diga commendationis: Seriem illarum, in GRATIÆ  
DIVINÆ gloriam, recensit B. Episcopus Doct. Jo.  
ELAI TERSERUS, methodum eligens B. Haffenrefferi, Anno 1660. d. 16.  
& 17. Jan. Ven. Clero exhibuit Disputationes duas, de DEO unam, alte-  
ram de S. S. TRINITATE. Cumque PARENS MEUS, pia memorie,  
A. 1664. Generalis tunc per Livoniam Superintendens, Riga mense  
Junio, integrum dicti auctoris librum primum, Synodalibus exercitiis  
tractasset, (in quibus me tyronem sacrorum studiorum, & respondentem  
in loco de DEO fecerat:) idcirco Episcopale per amplissimam hanc Dioe-  
cesin aggrediens munus, ad librum secundum de Angelis exercitatio-  
nem conscripsit, in auspiciis Synodica, d. 6. & 7. Septemb. A. 1665. Exorsus  
deinde librum tertium, una Disputatione in conventu sacro d. 16. & 17.  
Januarii 1667. articulos primi status de Homine integro, exposuit.  
A. v. 1669. d. 16. & 18. Januarii eodem scriptionis modo, statum pec-  
cati, solenni cœtui monstravit. Peculiari autem Disquisitione locum de  
Libero arbitrio, repetiit coram Ven. Clero Bothniensi, Wase d. 4. &  
Ubloe d. 15. Febr. A. 1670. Progressus ad statum hominis tertium, in  
Synodum anniversariam 1672. d. 19. & 20 Junii, Theses edidit de Præ-  
destinatione fidelium ad Vit. Æternam. & reprobatione infidelium.  
Sequentem autem de Salvatore nostro JESU CHRISTO articulum,  
pia Dissertatione Fratribus A. 1675. d. 16. & 18. Jan. congregatis pro-  
posuit. Illo autem de Fide salvifica, reservato Logis de Pœnitentia & Ju-  
stificatione, transitum fecit ad locum de Lege & Evangelio, quem  
in Synodis Bothniensibus A. 1680. Wase d. 9. & Ubloe d. 19. Januarii  
decla-

\*



declaravit. *Questiones sive Theses ad locos Theologicos jam recensitos, a B. PATRE. scriptas, praesidendo publicè in sacris illis solennitatibus propugnarunt Viri docti, PRÆPOSITI, PASTORES, SCHOLARUMQ; RECTORES, vicibus suis a Summè Reverendo CONSISTORIO designati: Quos tunc officiorum dignitas conspicuos, & nunc post fata, quibus fere omnes beatè concessere, meritorum laus celebres reddiderunt. Non licuit postmodum B. PARENTI propter frequentia Regni Comitia A. 1680, 1683. & 1686. proluxaque Ejus ad eadem itinera; ac dein inter illos, qui statuta Ecclesiastica in Ordinariam sacram colligerent, ex voluntate REGIAE Holmiæ constituto, laborem istum continuare; illum itaq; suscepit & in sacram panegyris d. 16. & 17. Jan. 1688. institutam, emisit solidissimam Disputationem de Pœnitentia. B. DOCT. PETRUS LAURBECKIUS, Poëtos tunc Professor & Pastor Lundoënsis, Wiburgensium, post Theologicas hic ordine & magna cum laude, gestas Professiones, Episcopus meritissimus. Præstitit id ipsum dextrimè in locum de Ecclesia A. 1690. 16. & 17. Januarii, Max. Rev. DOCT. JOH. FLACHSENIUS S. S. Theologia Professor primarius, Mathematicum illo tempore Professor & Pastor Picensis. Sub ipsa Synodi tunc celebrata sine, die videlicet 20. Januarii vitam quoq; inter nos finivit, B. PARENS, ad sanctorum in cœlis consortium receptus. Ista deinde laborum Synodaliū pars, in ampliorem Cleri Diocœsani honorem, derivata est ad PRÆPOSITOS & PASTORES: quorum quoque plurimi pro insigni sua in Theologicis Controversiis peritia, & desiderio inserviendi usibus Ecclesiæ, suis curis & sumptibus accuratas ediderunt Exercitationes, illasque in sacris Ordinis nostri ad sedem Cathedralē conventibus, praesidio solenni defenderunt. Viri nempe Plurimum Reverendi, Clarissimi & Doctissimi: Mag. CHRISTIERNUS WALSTENIUS, Pastor & Præpositus Webmoënsis. d. 5. & 7. Septemb. 1691. de Ministerio Ecclesiastico. Mag. ISAACUS PIHLMAN, nunc Professor Eloquentiæ, tunc Rector Scholæ Cathedralis & Pastor Maschoënsis, d. 16. & 17. Januarii 1693. de Sacramentis in genere, & in specie de duobus Vet. Test. & priori N. T. Sacramento, Baptismo. B. Mag. JACOBUS LUND, Pastor*



Pastor in Bierno d. 22. & 23 Junii 1694. de Sacra Coena. Mag. ERICUS STENBERGIUS Pastor in Haliko d. 16. & 17. Jan. 1696. de Justificatione per fidem. Dn. HENRICUS PAULINUS, Pastor in Cumo, edidit Disputationem de Cruce piorum & DEI invocacione, illo vero per Jonticas causas absente, Praesidis partes peregit, d. 15. & 16. Januarii 1697. B. Doct. JOHANNES RUNGIIUS, post honorifica in Schola Cathedrali & Regia Academia munia, Narvensium Superintendens desideratissimus. B. Mag. JOHANNES FORSENIUS, Pastor & Praepositus Lojoensis, d. 9. & 10. Septemb. 1698. de Magistratu Politico. Mag. HAQUINUS PIHLMAN, Pastor & Praepositus Wirmoensis d. 2. & 3. Martii 1700. de Conjugio. Ac cum bellum Polono - Ruthenicum jam tum exarsit, machinatione Papae Romani accensum, Mag. ELIAS WOIVALENIUS, Pastor & Praepositus Saxmakiensis, d. 6. & 7. Septemb. 1701. de Antichristo Magno. Dn. ABRAHAMUS JUSLENIUS, Pastor & Praepositus Someroensis, nunc Lojoensis d. 5. & 7. Septemb. 1703. de Morte, articulisque connexis. Mag. ANDREAS BERGIUS, Pastor & Praepositus Tæssalensis d. 20. & 21. Jan. 1705. de Resurrectione mortuorum universali, & extremo Judicio. Quoniam vero is est Ecclesiarum in hac Diocesi situs, ut illarum omnium Pastores & Ministri, haud commode ad Cathedralem commeare possint: indultu SACRAE REGIAE MAJESTATIS indicti erant conventus Synodales, & exercitiis sacris, maxime Disputationibus hic Aboa proximè tunc antegressis annis, denuo ventilatis, facti celebres, in Bothnia Orientali: Videlicet UHLOÆ A. 1691. d. 22. & 23. Jan. A. 1694. d. 12. 13. & 15. Jan. A. 1698. d. 14. 15. & 17. Jan. A. 1702. d. 4. 5. 6. Febr. WASÆ v. A. 1691. d. 19. & 20. Febr. A. 1694. d. 17. 19. 20. Febr. A. 1698. d. 19. 21. 22. Febr. A. 1702. d. 19. 20. 21. Febr. Et cum ex insulis Alandia, Synodis nostris hybernis aliquando non interesse licuit gregem Domini ibi pascentibus, apud illos itidem sub visitationis cursu Synodalia habita sunt exercitia, scilicet, in Jomala prima vice d. 10. 11. Febr. A. 1692. & altera d. 25. Junii A. 1697. Neque illud omittendum, quod simul cum Viris Clarissimis jam occasione Disputationum laudatis, insignis numerus VIRORUM  
de Ec-



de Ecclesia Christi optime meritorum & nunc quoque merentium, concionando, opponendo, perorando, congressus istos suo tempore ac loco, per novem hæc lustra effecerit splendidos ac summè utiles. Postquam sic brevi narratione in mentem Vobis, Fratres honorandi, revocaverim opera nostra Synodica, non potest non valde vobis esse jucundum, quod tractationi articulorum fidei tam egregium Colophonem addiderit Reverendus & Clarissimus Mag. ERICUS CAJANUS, Cronobyensium Pastor vigilantissimus, de Inferno & Vita Æterna. Prompta fuit hæc Ejus ad desiderium nostrum opera, & quia ætatem oppido illi fuit. scriptionis tempus, eo evidentius est hæc exercitatio solida in eo doctrinæ Theologica testimonium. Cogitent ad ista recensita, Ordini Sacro infensi & illi, ex unius alteriusve detestabili lapsu, ignominie inurenda cupidi, quam multò plures sint, quantumque eorum numerus, quos Divinus Spiritus in actibus jam commemoratis, aliisque DEO gratis, ac generi humano salutaribus, illuminavit, & quotidie instruit ac confortat. Celebremus immensam DEI in nos misericordiam: Evangelii puritas contra tot hæreses & veritatis veraque pietatis hostes, inter nos servata, Pax in furialibus motibus totius fere orbis Christiani, hisce locis data, Victoria inter tot belli onera, pericula, damna, cœlitus concessa, excitent corda nostra in pia & fiducie plena ad DEUM suspiria, velit benignissime Verbum suum porro nobis largiri, ejusque ministerium ἀμεμπτον καὶ ἀνώμνητον præstare. INVICTISSIMUM MONARCHAM REGEM nostrum Clementissimum, omnipotenter custodire, pacata & frugifera reddere tempora, utque in fide & sancto Nominis Divini timore, per gratiam Domini nostri JESU CHRISTI, ad æternam vitam contendere valeamus, SPIRITU SUO SANCTO nos juvare! Dab. Aboæ die 10. Novemb. 1705.

R. & Ven. V. V. D.-tibus

addictissimus servus

JO. GFZELIUS. J. F.